



初編

元人文集 下卷

元
代
史料刊
叢編
初編

泰山書社

金華黃先生文集

四部叢刊集部

金華黃先生文集

—

上海涵芬樓借印梁
溪孫氏小綠天藏景
元寫本原書葉心高
營造尺六寸九分寬
四寸七分

黃學士文集序

翰林侍講學士金華黃先生文集總四十三卷其初彙三卷則未第時作監察御史臨川危素所編次續彙四十卷則皆登第後作門人王生宋生所編次也先生之文章刮癩澡雪如明珠白璧藉以繅綺讀之者但見其光瑩而含蓄華縟而粹溫令人愛玩歎息之不已而不知其致力之勤用心之苦也故其見諸朝廷簡冊之紀載山林泉石之詠訶無不各得其體而極其趣以自成一家之言不既甚盛矣乎余嘗論之文章與世運同為盛衰或百年或數十年輒一見焉先生當科目久廢之餘文治復興之日得大肆力於為己之學以擅名于海內雖其超見卓識有以異於人其亦適值世運之一盛也耶譬諸山川之風氣草木之花實息者必復悴者必榮蓋亦理勢之必然者夫豈偶

然而已哉先生領延祐甲寅鄉薦先文靖公實為考官於師泰
有契家之好其後同居史館又同侍 經筵文設為尤篤比廉
問閩南過金華得先生之集於王生故叙而授之三山學官俾
剡梓以惠來學先生登進士第授將仕郎台州寧海縣丞歷石
堰場監運諸暨州判官浮沈州縣幾二十年始入翰林應奉文
字尋丁外艱服除改國子博士居六年以太夫人春秋高乞外
補遂提舉江浙儒學年六十有四竟辭祿歸養以中順大夫秘
書少監致仕及終太夫人喪年已踰七十矣復被 召為翰林直
學士兼 經筵官陞侍講學士中奉大夫同知 經筵事數告
老不許久迺得謝去今年七十又九猶康強善飲啖援筆騁馳
如壯歲云至正十五年十月既望朝散大夫福建閩海道肅政
廉訪使宣城貢師泰序

金華黃先生文集卷第一

初集一

五言古詩

三
臨川花素編次

黃先生文集卷第一

襍詩五首

日月東西行羣動亦不憚寄身萬物中寧獨謝茲
叟遑遑走南北聖哲諒已歿旅人能久安

晨起步南園旭日朗以清葵花衆草中曄曄敷丹榮流光非汝
私獨爾心自傾覽物有深懷竚立方含情

璞玉與寶劍淪落初未偶君看被湔祓各在千年後將身比金
石誰當獨長久悠悠百代下相知復何有

孤雲澹無心出山偶為雨長風忽吹散渺渺歸無處唯餘向來
山突兀青如故慷慨魯仲連功成身已去

春風著萬物欣欣皆自私可憐兒女花榮悴更相持獨有澗底

松偃蹇如不知何疑楊執戟草玄騎若絲

效古五首

上山見明月下山月相隨月豈知愛我我行自見之故山日已遠故人不可思殷勤謝明月願爾無時虧

女美衆所悅士窮世所輕輕重安足言泥盡水自清淮陰初寄食曲腰跽下行季子黃金多妻嫂來相迎自古已復然歎息空吞聲

擊石乃有大石大光不揚攀天亦有路天高路何長嵯峨萬古雲下覆歌笑場富貴誠足多貧賤不可忘

落花隨風吹各自東西飛花飛既不息水流復無極同生不同歸能勿異顏色木生則有枝豹死則有皮悠悠岐路間多言亦奚為

飲酒莫盡醉盡醉無餘懽讀書莫弔古弔古多悲酸蕭艾救中
野白露摧芳蘭鳳飢不得死鵲巢食琅玕去去復去去采芝青
雲端

人事如草木

人事如草木一氣榮悴之外物何預人而真喜與悲堂堂異姓
王昔者蹠下兒窮通本解后達者固不疑阮生亦隘人慟笑真
奚為

煌煌明月珠

煌煌明月珠未害居濁水君看黃河黃豈解污清濟我方遺吾
形龍辱齊一指懸知破琴戴未若樸櫟福

微雲翳白日

微雲翳白日羣動何喧喧嗚呼麒麟兒化為猴與猿登高望四

荒但見黃河奔誰哉泝其流與我歸崑崙
萎蕤青桂花霜霰日已繁豈不有桃李對之可忘言

古意

荆人初得玉跣足辭巖阿持獻萬乘君
君門正嵯峨誰其尸國工謬以石見訶
迷邦誠不忍欺君反同科臣口不自明臣
心終靡它抱璞重再拜呼天淚滴沱淚盡
血可續玉在良已多是事古則然嗚呼今
奈何

連雨禱書五首

蕭蕭十日雨出門竟何之不愁道路難
所懼沾我衣悠悠看屋梁作計誠已非有
酒不解飲且遂哦吾詩

昔慕栗里翁頗復志耕耘偶入翰墨場
抱筆學為文偃蹇獨何成喧啾浪云云念
彼荷蓑子窮年愧其勤

虛堂坐無言。繾綣悲宿昔。常時眼中人。已如不相識。剝琢者誰子。令我喜折屐。忽去已莫追。一咲岸玄幘。

我思仇山人。山川莽回互。十書九不到。木葉歲頻暮。頗聞近移居。併失夢中路。得無挈妻兒。倒載入山去。

今日曷不樂。孤倡無與酬。兀坐把書卷。展玩不自休。借問誰所為。其人已千秋。山雨政可聽。據書置牀頭。

晚晴

洩雲散積雨。林木含餘清。披衣有奇懷。偶從林叟行。新晴遠峯麗。夕陰孤花明。曠日固所虞。聊茲息營營。

夜歸

空山四舉寒。落日翳榛莽。蜿蜒草中迹。躡屨度寒雨。楠杉竄深黑。忽忽疑伏帟。林窮澗水明。稍聽歸人語。

讀忠簡宗公遺事

公初起滄陽艱危屬多壘蒼然國家意委身干戈裏陰飈卷翠
華朔雪被南紀悠悠虞淵日方盡揮不止寅恭秉齋鉞際會開
朱邸長安付馮異漢業中興始宮庭數汎掃蹕路無荆杞疚心
望鑾輿感激涕如水上表方出師嗚呼孔明死宴安不可懷肉
食母乃鄙巨舟竟未焚三語猶在耳蕭然舊祠下碧草垂階圯
登堂挹光儀杰烏仍几几千年墮淚碑一夫敢殘毀傳家有遺
書叙事非虛美品哉慎失墜庶以裨信史

陪諸老夜飲

世故不可料忽若浮雲移生令百年內顛倒殊懽悲願惟我與
公異代同一時覽古既深慨撫今亦餘噫長川去悠悠青山暮
委蛇向來遠遊意我行方遲遲咄哉有志士年歲恒寒飢况復

託渺茫欲與千載期
盈虛信天運疲興豈
人為願公姑舍是一
觴聊可持

曉行湖上

曉行重湖曲旭日青
林丰霧露寒未除鳬
鷺靜初散寅綠際餘
景閃倏多遺玩會心
乍有得撫已還成歎
夙予丹霞約久茲芳
洲畔獨往願易違離
居歲方換沙暄芷芽
動春遠川華亂存聊
寂寞取適豈爛漫小
隱倘見招漁樵共昏
旦

西峴峯

層雲抱春岑急瀨減
嵌竇脩蹊入窈窕衆
綠蔚以茂名亭標水
樂柱折荒碑仆幽尋
得縑廬亂石扶結構
青精午堪飯碧澗寒
可漱平生慕真賞及
此成鮮后冥探指絕
頂有路忽通達綠蘿
度蒙密翠氣濕衣袖
寄身萬物中下睨人
寰陋清醴襟風竹大

嘯落巖欹東峰在眉睫可望不可就同遊却何時瑤州春已秀

夜興三首

秋風入病骨殘夢脩然驚芭蕉葉間露風過皆成聲攬衣沈寤
內搔首天河橫飢蛩語不休中宵誰汝令孤鴻亦何苦犯霜度
微明悠悠念羣動百感忽我并大化倘不爾吾其免營營

寒星挂疎林夜色翳餘暝雞聲驅行客出門路方永亦有山中
人熟睡方未醒而我立於獨婆娑玩光景一嘆天宇青此意君
自領

舉頭見殘月葉脫知深秋今我曷不樂歲月如驚鷗常憐古志
士辛苦歌飯牛空山疋漫漫政合秉燭遊臨風振吾衣蕭瑟不
得留小立殊復佳澗水鳴幽幽

陳生詩

陳生少也孤秉志何軒軒讀書奉慈母承顏郁春溫兀然處膝
下不聞晨與昏叢叢萬井中陳生深閉門暉暉百花時陳生不
窺園常恐去左右或乖覆荷恩一朝抱長痛飛霜隕秋豈鹽酪
不入口日夜涕翻盆欲娶弗及養矢言終不昏尚賴百歲後兄
子父所孫朝來遊子衣忽逐東風翻世方醉糟粕何庸薦犧尊
陳生碩謂我是事安足論幸託山水窟放情詠蘭蓀嗟今學步
者觸險爭飛奔願爾利鋤鏹深斲六籍根願爾進竿鏹高折百
聖源源長流自遠根大枝乃蕃勿搖崖嵬華誇作礫硯言弘惟
孝與第百行茲其元咄哉行勿休日月方沄沄贈言豈予敢情
真覺辭繁匪為陳生榮庶感薄俗敦

述懷

端居有多感求志無餘營風遶金門路緬愛丹丘名課桑君子